



HE KETE MANARUA

TE AO HAKA



KAUPAE 1

91979 | Te whakaatu māramatanga ki ngā huānga o roto i tētahi whakaaturanga o Te Ao Haka.
(Ngā Whiwhinga: E 4)

Te Rā Tuku Aromatawai ā-Waho: Te Wāhanga 4 - I mua i te 28 o Oketopa, 2026.



NZQA

Mana Tohu Mātauranga o Aotearoa
New Zealand Qualifications Authority

Te Whārangi Ihirangi

He Kete Manarua.....	2
91979 Te Whakaatu māramatanga ki ngā huānga o roto i tētahi whakaaturanga o Te Ao Haka	
Te Tūmahi Aromatawai Ā-Waho.....	4
Te Whakamāhukitanga	4
Ngā Tohutohu.....	4
Te horopaki o te Tūmahi Aromatawai ā-waho nei:5
He Whakamāramatanga 3.....	.5
Ngā pātai	6
Te Wetewete i te Paerewa Paetae	6
Te Paerewa Paetae	8
Te Tautuhinga Aromatawai ā-Waho	10
Te Whakatakotoranga Aromatawai ā-Waho.....	10
Ngā Herenga Aromatawai ā-Waho.....	11
Te Motuhēhē o ngā mahi o ngā ākongā	11
Te Tāpaetanga me te Hāponotanga.....	11
He Mahere Aromatawai ā-Waho.....	13



He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuatanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

Te whakaahua o te uhi o mua:

Nā Gina Smith te whakaahua / Adobe Stock.



Te Ao Haka

91979 Te Whakaatu māramatanga ki ngā huānga o roto i tētahi whakaaturanga o Te Ao Haka

(Kaupae 1, Ngā Whiwhinga e 4)

Āta pānuitia, āta tirohia, āta whakaarohia ake hoki ngā tohutohu mō tēnei aromatawai ā-waho.
Kaua e tukua kia noho tārewa tētahi wāhanga, engari whāia tonutia kia ita.

Kairangi	Kaiaka	Paetae
Te tātari i ngā huānga o roto tētahi whakaaturanga o Te Ao Haka	Te whakamārama i ngā huānga o roto i tētahi whakaaturanga o Te Ao Haka	Te whakaatu māramatanga ki ngā huānga o roto i tētahi whakaaturanga o Te Ao Haka

Te Tūmahi Aromatawai Ā-Waho

Te Whakamāhukitanga

Me tuku e te ākonga tētahi whakaaturanga e whakamārama ana i tōna mōhio me tana mārama ki ngā Kaupapa o roto i tētahi pekanga o Te Ao Haka. I ngā Kaupapa e **TORU** i kitea i tētahi pekanga Kapa Haka ki **Ngā Whakataetae Kapa Haka Tuarua ā-rohe** i te tau **2025**.

Ngā Tohutohu

E hāngai ana tēnei Kete Manarua ki **Ngā Whakataetae Kapa Haka Kura Tuarua ā-rohe** i tū i te tau 2025. Ko tā te ākonga, he tīpako kia **RUA** ngā Kapa Haka/pekanga o tētahi rohe hei whakamahi mai i roto i tēnei tūmahi aromatawai ā-waho. Ka noho ko te horopaki o tēnei kaupapa hei tūhura, hei wherawhera, hei whakamārama, hei whakamahinga mā ngā ākonga. Tīpakohia kia **RUA** ngā pekanga i Ngā Whakataetae Kapa Haka Kura Tuarua ā-rohe i te tau 2025, kei te ipurangi (**Māori+**, **TVNZ**, **YouTube** rānei) ngā whakaaturanga Kapa Haka e noho mai ana. Tēnā, whakamahia atu ki tā te ākonga e pai ai.

- Me whiriwhiri te ākonga kia **RUA** ngā pekanga mai i Ngā Whakataetae Kura Tuarua ā-rohe i te tau 2025. Ko ngā rohe ēnei, e whai ake nei: Tāmaki Makaurau Polyfest, Te Ahurea Tino Rangatiratanga, Waitaha, Tainui, Rangitāne, Mātaatua, Te Tairāwhiti, Te Arawa, Te Kāhui Maunga, Te Taitokerau, Te Whanganui-a-Tara, Mātaatua, Te Tauihu, Ngāti Kahungunu.
- Me tuku e te ākonga tētahi **whakaaturanga** e whakamārama ana i ngā kaupapa i kitea, i rangona hoki i roto i ngā pekanga e **RUA**. Kia kotahi te tūmomo nō ngā tūnga Kapa Haka hei whakamahi mai, hei whakamārama anō mai mā te ākonga.

Hei tauira;

- Tainui Waka: Te Maurea Whiritoi (Hamilton Boys' High School and Hamilton Girls' High School) - **Whakaeke**.
- Te Arawa: Te Kōutu Kapa Haka (Te Kura o Te Kōutu) - **Whakawātea**.

Me whakaatu, me tīpako hoki e te ākonga:

- » Te **ROHE** (hei tauira: Te Arawa),
 - » Te **ROOPU KAPA HAKA** (hei tauira: Te Koutu Kapa Haka),
 - » me ngā **PEKANGA** (hei tauira: Whakawātea) hei kōrero māna i roto i tana whakaaturanga mahi.
 - » Mehemea he rauemi, he kiriata, he pikitia rānei kua whakamahia, me whakatakoto hoki e te ākonga ngā tohutoro e hāngai pū ana.
- Me whakamārama te ākonga ōna mōhio ki ngā **kaupapa** kua kōwhiria ki ngā whakaaturanga Te Ao Haka. Ka taea te whakaatu i ngā taunakitanga mā te āhua ā-ātea, ā-ipurangi rānei (hei tauira: he paetae, he puka mahi, he puka whakaahua me ōna whakamārama, he whakaaturanga mata, he whakaaturanga ā-ipurangi rānei). He whakaaturanga motuhake tēnei e whakahua ana i te mōhio me te māramatanga o te ākonga ki Ngā Kaupapa e takoto mai ana i roto i ngā whakaaturanga Te Ao Haka. E wātea ana te tuku i mua i te marea, i mua rānei i te kāmera me tōna kotahi.

- Me tīpako e te ākongā ngā Kaupapa e **TORU** nō te rārangi Kaupapa kei tēnei tūmahi aromatawai ā-waho me te āta whakamārama haere i nga Kaupapa nei i roto i tana whakaaturanga. (Kei raro iho nei te rārangi Kaupapa e takoto ana).
- Me tuhia te ākongā i te reo Māori, i te reo Pākehā **rānei**.

Te horopaki o te Tūmahi Aromatawai ā-waho nei:

Me whakaatu māramatanga ki ngā Kaupapa kei te Kapa Haka o Ngā Whakataetae ā-rohe mā te:

- » Whakamārama i ngā Kaupapa (huānga) e **TORU** i roto i ngā tūnga.
- » Te whakatakoto whakamāramatanga mō ngā Kapa Haka me ngā Pekanga o taua Kapa Haka.

Me whakamāori i ngā Kaupapa kei te Kapa Haka o Ngā Whakataetae ā-rohe mā te:

- » Whakamārama i te whakamahinga o ia Kaupapa me tana whakatau i ngā āhuetanga motuhake i roto i te tū.
- » Te whakatakoto whakamāramatanga mō te Kapa Haka me te Pekanga o taua Kapa Haka.

Me tātari i ngā Kaupapa kei te Kapa Haka o Ngā Whakataetae ā-rohe mā te:

- » Whakatau i te pai o te mahi tahi o ngā kaupapa kia puta ai he hua i te tū.
- » Tātari i te whakamahinga o ngā Kaupapa e mārama ake ai ki te kaimātakitaki, te tikanga o te tū.
- » Whakatakoto whakaaro mō ia Kaupapa, me te whakaatu māramatanga ki ngā ritenga, me ngā rerekētanga anō hoki.

Hei Tāpiritanga

Ko ngā *pekanga* e hāngai ana ki ngā wāhanga o Te Ao Haka.

Ko ngā pekanga e rārangi iho nei:

- Mōteatea
- Haka, haka wahine
- Waiata ā-ringa
- Whakaeke
- Poi
- Whakawātea

Mā te ākongā e whiriwhiri kia RUA o ēnei pekanga Kapa Haka, heoi me whakatau te ākongā ko wai mā ngā Kapa Haka e whakamahia ana, he aha hoki ngā pekanga e rua e whakamahia ana. Me haere ngātahi ēnei whakatau me ngā tohutoro e hāngai ana ki a ia.

He Whakamāramatanga 3

He āhuetanga motuhake ngā Kaupapa e noho mai ana i roto i ngā tū/pekanga, heoi kaore i whāiti ki te horopaki o Te Ao Haka anake.

Whakamahia ngā huānga kei raro iho nei i ngā whakautu:

- Te tere
- Te hiranga
- Ngā taineke
- Te hanga
- Te rangi
- Te tirohanga

Ngā pātai

Whakamahia ēnei pātai, hei ārahi i ngā tuhinga:

- He pēhea tā te kapa whakatinana nei i ngā Kaupapa ki ngā pekanga/tūnga? Me pēhea e taea ai te whakakaha ake i tēnei pekanga?
- He aha ngā ritenga me ngā rerekētanga i waenganui i Ngā Kaupapa nei?
- He aha Ngā Kaupapa i tino eke i roto i ngā tū, he aha ngā pāinga o tana whakamahinga, ka mutu, ka pēwhea te whakamahi, te whakaū o aua Kaupapa ki te kapa?

Te Wetewete i te Paerewa Paetae

Ko tā te ākonga i te aromatawai ā-waho Kete Manarua, he whakatakoto i ōna mōhiotanga me ōna māramatanga ki ngā Kaupapa o Te Ao Haka, ā, me tōna hāngai ki te ao Māori i te horopaki o Ngā Whakataetae Kapa Haka Kura Tuarua ā-rohe o te tau 2025.

Me wherawhera ngā ākonga te tūāpapa o Te Ao Haka i te Kaupae 1, mā te ako i ngā pūkenga whakaaturanga, ngā kōrero tuku iho me ngā taera whakawhanake o Te Ao Haka.

Ngā Heipūtanga

Ko ngā taunakitanga o tēnei paerewa kei roto i ngā whakaaturanga a ngā ākonga.

- He aromatawai takitahi tēnei.
- He mea tuku te whakaaturanga nei ki mua i te marea, ki mua rānei i te kāmera me tana kotahi.
- Whakaaturanga ā-tuhi: **Me 350 neke atu ngā kupu.**
- Whakaaturanga ā-rīkoata: **Me TORU miniti neke atu te roa.**
- E pai ana kia whakamahia ngā rauemi ako, ngā rauemi aromatawai hei āwhina i te ākonga.
- HEOI, me motuhake ngā mahi ki te ākonga ake.

Te Āhua o te Aromātawai ā-Waho

Whakaritea he whakaaturanga ā-ātea, ā-ipurangi rānei e whakaatu ana i tō mōhiotanga ki Ngā Kaupapa e toru i whakamahia/ i kitea i roto i te tūnga.

Kua rārangi i raro iho nei ētehi tauira o tēnei mea, o te whakaaturanga:

- Paetae ā-ātea, papa whakaaturanga rānei
- Rārangi whakaahua, pikitia whakamārama, puka whakaaturanga rānei
- Whakaaturanga mata ā-ipurangi (hei tauira: Google Slides, PowerPoint, etc.)
- Whakaaturanga ataata

Me whai te whakaaturanga i ēnei i raro iho nei:

- Te rohe, te rōpū Kapa Haka, me te pekanga.
- Tohutoro e hāngai ana ki ngā tūnga.
- Ngā whakamārama mō ngā kaupapa e toru i whakamahia i ngā tūnga.

Te Aromatawai ā-Waho

Me whiriwhiri te ākongā kia **RUA** ngā pekanga mai i Ngā Whakataetae Kura Tuarua ā-rohe i te tau 2025.

Whakaritea he whakaaturanga ā-ātea, ā-ipurangi rānei e whakaatu ana i tō mōhiotanga ki Ngā Kaupapa e **TORU** i whakamahia/ i kitea i roto i ngā tūnga.

- » Me tīpako e te ākongā ngā Kaupapa e **TORU** nō te rārangi Kaupapa kei tēnei aromatawai ā-waho. He pēhea tā te kapa whakatinana nei i ngā Kaupapa ki ngā pekanga/tūnga?
- » Ka whakamāramahia ngā ritenga me ngā rerekētanga i waenganui i Ngā Kaupapa o ngā pekanga.
- » He aha Ngā Kaupapa i tino eke i ngā tū, he aha ngā pāinga o tana whakamahinga, ka mutu, ka pēwhea te whakamahi, te whakaū i aua Kaupapa ki te kapa?

He Aratohu mā te Kaiako

Anei ngā mahi a te Kaiako e eke ai ngā ākongā i tēnei Kete Manarua:

- Kia mārama pū ngā ākongā ki Ngā Kaupapa (huānga) motuhake o tēnei Kete Manarua.
- Ka tautoko i ngā ākongā ki te tīpako i te tūnga tika me te pekanga tika.
- Arotia ngā rauemi a ngā ākongā kia tika ngā tohutoro me ngā taunakitanga katoa.

Te Paerewa Paetae

Tau AS91979 Putanga 3 Whārangi 2 of 2

Paerewa Paetae

Aronga	Te Ao Haka 1.4				
Ingoa	Te whakaatu māramatanga ki ngā huānga o roto i tētahi whakaaturanga o Te Ao Haka				
Kaupae	1	Whiwhinga	4	Aromatawai	Ā-waho
Marau akoranga	Māori Performing Arts				
Kokonga akoranga	Te Ao Haka				
Mana rēhita	Kua rēhitatia		Te rā i mana ai	Hepetema 2025	
Te rā e arotakengia ai	Tihema 2030		Te rā i puta ai	Tihema 2025	

Ka whakaatu māramatanga ngā ākonga ki ngā huānga o roto i tētahi whakaaturanga o Te Ao Haka.

Paearu Paetae

Paetae	Kaiaka	Kairangi
<ul style="list-style-type: none"> Te whakaatu māramatanga ki ngā huānga o roto i tētahi whakaaturanga o Te Ao Haka. 	<ul style="list-style-type: none"> Te whakamārama i ngā huānga o roto i tētahi whakaaturanga o Te Ao Haka. 	<ul style="list-style-type: none"> Te tātari i ngā huānga o roto i tētahi whakaaturanga o Te Ao Haka.

Kōrero Āpiti

- I ahu mai tēnei Paerewa Paetae i te *New Zealand Curriculum*, Learning Media, Ministry of Education, 2007, ā, ka hāngai ki ngā whāinga o ngā Whakaaro Whānui ki Taumata 6 o te *Tukutuku Ako o Te Ao Haka ki ngā Taumata 6, 7, me te 8* [<https://ncea.education.govt.nz/arts/te-ao-haka?view=learning>].
- Ka whai wāhi ki te *whakaatu māramatanga ki ngā huānga o roto i tētahi whakaaturanga o Te Ao Haka*:
 - te whakaahua i te whānui o ngā huānga o roto i tētahi whakaaturanga.

Ka whai wāhi ki te *whakamārama i ngā huānga o roto i tētahi whakaaturanga o Te Ao Haka*:

 - te whakamārama i te whakapuakanga o ia huānga i te horopaki o te whakaaturanga.

Ka whai wāhi ki te *tātari i ngā huānga o roto i tētahi whakaaturanga o Te Ao Haka*:

 - te matapaki i te āhua o te pāhekoheko o te whānui o ngā huānga kia whai pānga i roto i tētahi whakaaturanga.

Tau

AS91979

Putanga

3

Whārangi 2 of 2

- 3 Ko *ngā huānga* he āhuatanga nō tētahi titonga rānei, nō tētahi whakaaturanga rānei ka kitea i Te Ao Haka engari kāore e kitea ana ki reira anake.

Ko ētahi o ngā tauira o ngā huānga ko:

- te tere
- ngā taineke
- te whakatau
- te reo
- te tirohanga.

Ka kitea tētahi rārangi tōtōpū o ngā huānga ki te Kuputaka o Te Ao Haka:

<https://ncea.education.govt.nz/arts/te-ao-haka?view=subject-glossary>.

Tātari Kounga

- 1 Me mātua whakaae ngā kura me ngā whare mātauranga e te Mana Tohu Mātauranga o Aotearoa kia whakahaere aromatawai i mua i tā rātou rēhita i ngā whiwhinga i ngā aromatawai i te taha o ngā paerewa paetae.
- 2 Me pāhekoheko rawa ngā kura me ngā whare mātauranga, kua whakaaetia tā rātou aromatawai, ki te pūnaha mātaurua e hāngai ana ki aua paerewa paetae.

Te tohutoro mō ngā Here o te Tuku Whakaaetanga me te Mātairuatanga (CMR)
0233

Te Tautuhinga Aromatawai ā-Waho



Te Paerewa Paetae	91979
Te Ingoa o te Paerewa Paetae	Te whakaatu māramatanga ki ngā huānga o roto i tētahi whakaaturanga o Te Ao Haka
Ngā whiwhinga	E 4
Te Marau	New Zealand Curriculum, Kaupapa Ako Māori: Te Ao Haka
Te Wāhanga Ako	Te Tukutuku Ako
Te Tukanga Aromatawai ā-Waho	He Kete Manarua
Ngā Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4 .mov (<5GB)
Te Rā Tuku Aromatawai ā-Waho	Te 28 o Oketopa 2026
Ngā Wātaka Aromatawai ā-Waho	1. Ngā Rā Aromatawai 2026 2. 2026 Examination Timetable

Te Whakatakotoranga Aromatawai ā-Waho

Ka whiriwhiria e te ākonga kia **RUA** ngā pekanga/tūnga kapa haka mai i te **KURA TUARUA** Whakataetae Kapa Haka ā-rohe 2025 hei whakaoti i tēnei aromatawai (*Tāmaki Makaurau Polyfest, Te Ahurea Tino Rangatiratanga, Waitaha, Tainui, Rangitāne, Mātaatua, Te Tairāwhiti, Te Arawa, Te Kāhui Maunga, Te Taitokerau, Te Whanganui-a-Tara, Te Taihu, Ngāti Kahungunu*) hei whakamārama, hei whakatinana atu anō hoki i ngā **huānga (Ngā Kaupapa)** nō roto mai o Te Ao Haka.

Me whakatau i roto i tēnei aromatawai ā-waho ko wai aua kapa haka, ā, nō hea aua kapa haka e rua, ka mutu, mehemea he rauemi hāpai, hei whakakipa anō i tēnei aromatawai ā-waho, tēnā whakamahia.

Me tāpiri hoki he rarangi tohutoro, ā, **me whakautu** te ākonga i ngā pātai e hāngai ana ki ngā huānga e **TORU** kua tīpakona mai i te rārangi huānga.

He takitahi te mahinga o tēnei aromatawai ā-waho, heoi ka taea tēnei whakaaturanga i mua i te marea, i tōna kotahi rānei.

Tirohia i te kuputaka marau o Te Ao Haka mō ngā kupu whakamārama mō te kupu 'huānga' ([Te Ao Haka](#) | [NCEA \(education.govt.nz\)](#)).

Tēnā tirohia te Kete Manarua i te paetukutuku nei - [He Kete Manarua](#).

Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākongā. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, e huripoki rānei);
- me tāmāu te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi a ngā ākongā? He tukanga, he taunakitanga me whai, e mōhiotia ai nā te ākongā ake āna mahi aromatawai ā-waho. Kia mataara ngā ākongā, ngā kaiako me te whānau hoki o te kura ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
 - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - » ngā pukapuka i whakaputaina;
 - » ngā pukapuka kāore anō i whakaputaina;
 - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a NZQA](#).

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a assessment.service.centre@nzqa.govt.nz,
- waeahia rānei te NZQA Contact Centre i te 0800 687 296.

He Mahere Aromatawai ā-Waho

Te Ao Haka 91979: Te whakaatu māramatanga ki ngā huānga o roto i tētahi whakaaturanga o Te Ao Haka.

Achievement with Excellence	Achievement with Merit	Achievement
Te tātari i ngā huānga o roto i tētahi whakaaturanga o Te Ao Haka.	Te whakamārama i ngā huānga o roto i tētahi whakaaturanga o Te Ao Haka.	Te whakaatu māramatanga ki ngā huānga o roto i tētahi whakaaturanga o Te Ao Haka.

Te Taunaki i te Aromatawai ā-waho

Kairangi	Kaiaka	Paetae
<p>Me tātari i ngā huānga kei ngā Kapa Haka e rua o Te Matatini mā te:</p> <ul style="list-style-type: none"> » whakatau i te pai o te mahi-tahi o ngā huānga kia puta ai he hua, » tātari i te whakamahinga o ngā huānga e mārama ake ai te tikanga o te tū, » whakatakoto whakaaro mō ia pekanga, me te kōrero ki ngā ritenga, ki ngā rerekētanga anō hoki. 	<p>Me whakamāori i ngā huānga kei ngā Kapa Haka e rua mā te:</p> <ul style="list-style-type: none"> » whakatau i ngā āhuatanga motuhake i roto i ngā tū, » whakatakoto whakamāramatanga mō ia Kapa Haka. 	<p>Me whakaatu māramatanga ki ngā huānga kei ngā Kapa Haka e rua mā te:</p> <ul style="list-style-type: none"> » whakamārama i ngā huānga e toru i roto i ngā whakaaturanga e rua, » whakatakoto whakamāramatanga mō ia Kapa Haka.

Te Taunaki i te Aromatawai ā-waho

KR8	KR7	KA6	KA5	P4	P3	KW2	KW1
<p>Ka whakamārama tika i ngā Kaupapa e TORU kua whakamahia i ngā whakaaturanga.</p> <p>Ka whakamārama i ngā āhuatanga katoa o te whai wāhitanga atu o ngā Kaupapa e TORU i te whakaaturanga Te Ao Haka nei, ki te hunga mātakitaki.</p> <p>Ka wānangatia ngā āhuatanga katoa o te mahi tahi a ngā Kaupapa e TORU e puta ai he hua.</p> <p>Ka nui te matapaki, te whai wāhi ano hoki a ngā Kaupapa ki te whakaaturanga, me te whai māramatanga a te hunga mātakitaki ki ngā Kaupapa nei.</p>	<p>Ka whakamārama tika i ngā Kaupapa e TORU kua whakamahia i ngā whakaaturanga.</p> <p>Ka whakamārama i ētahi āhuatanga o te whai wāhitanga atu o ngā Kaupapa e TORU i te whakaaturanga Te Ao Haka nei, ki te hunga mātakitaki.</p> <p>Ka wānangatia te mahi tahi a ngā Kaupapa e TORU e puta ai he hua.</p> <p>Ka matapaki hei whai wāhi ngā Kaupapa ki te whakaaturanga</p>	<p>Ka whakamārama tika i ngā Kaupapa e TORU kua whakamahia i ngā whakaaturanga.</p> <p>Ka whakamāramahia ōna mōhioatanga mō ngā Kaupapa e TORU o Te Ao Haka kua whakamahia i te whakaaturanga.</p> <p>Ka whakamārama whānuihia te whakarākeianga o ngā Kaupapa o Te Ao Haka i roto i te whakaaturanga.</p>	<p>Ka whakamārama tika i ngā Kaupapa e TORU kua whakamahia i ngā whakaaturanga.</p> <p>Ka whakamāramahia ōna mōhioatanga mō ngā Kaupapa e TORU o Te Ao Haka kua whakamahia i te whakaaturanga.</p> <p>Ka āhua whakamārama i te whakarākeianga o ngā Kaupapa o Te Ao Haka i roto i te whakaaturanga.</p>	<p>Ka whakamāramahia kia TORU ngā Kaupapa kua whakamahia i te whakaaturanga.</p> <p>Ka whakamāramahia ō mōhioatanga ki ngā Kaupapa e TORU o Te Ao Haka me te hononga o ērā ki ngā whakaaturanga.</p>	<p>Ka whakamāramahia kia TORU ngā Kaupapa kua whakamahia i te whakaaturanga.</p> <p>Ka whakamāramahia ō mōhioatanga ki ngā Kaupapa e TORU i te whakaaturanga.</p>	<p>Kua ngana ki te whakautu, ki te tuku taunakitanga engari kaore tonu i te hāngai ki te paearu.</p>	<p>He iti rānei, kaore rānei he taunakitanga kua tukua mai.</p>

Ngā Whakatau iho:

Kairangi	Kaiaka	Paetae	Kāore i whiwhi
7 - 8	5 - 6	3 - 4	0 - 2